

欽定石渠寶笈續編

欽定石渠寶笈續編

第十五

乾清宮藏 十五

本朝臣工書畫 五

郎世寧百駿圖 一卷

本幅宣紙本縱一尺一寸二分橫一丈一尺  
六寸五分設色畫百駿馬平岡淺草陂陀曲  
折寢訛蹄噉各極其態奚官圉人共八人或  
偃息帳中或駐立沙地或前後馳騁驅策款

臣郎世寧恭繪鈐印二臣世寧恭書

御題行書

雲行者龍陵行馬馬猶龍性理固然又開大宛  
界海裔時有神龍出其淵合於牧牝乃字渥  
注龍種昂騰騫孳息展轉盛壯地一一如龍見  
在田徒觀舊鬣已軒翥更參變態猶聯翮我知  
其理不能寫爰命世寧神筆傳垆野坦夷繁百  
草周以繡嶺帶鏡川翫飲既適馬性悅作息乃

得全其天目迷萬錦始弗論粗陳厥狀真奇馬  
翹足而陸泗而水飽而卓立勑而眠怒者奮踉  
嬉者嚙癢者摩頸躍者旋突者駑者競相赴或  
改其意中俄延或背而馳似相忌或依而就如  
相憐夫惟衡扼之不藉故無竊轡與詭術魯頌一  
言蔽詩義蒙莊數語已全爲驊騮騏驎世常有  
誰言今也無曹韓 乾隆御題鈐寶二幾暇怡  
情乾隆宸翰

鑒藏寶壘

八壘全

古希天子五福五代堂古稀天子

寶八徵耄念之寶即事多所欣

郎世寧聚瑞圖 一軸

本幅絹本縱五尺四寸五分橫二尺七寸設  
色畫瓶中瑞蓮瑞穀款聚瑞圖

皇上御極元年符瑞疊呈分岐合穎之穀實於原野  
同心並蒂之蓮開於禁池 臣郎世寧拜觀之  
下謹彙寫瓶花以記祥應雍正元年九月十  
五日海西臣郎世寧恭畫鈐印二臣世寧恭  
畫

臨全藏寶通

全

八

郎世寧白鷓圖 一軸

本幅絹本縱三尺九寸橫二尺二分設色畫  
山礪蒼松白鷓集橫榦上款乾隆十五年閏  
五月初十日大學士忠勇公傅恆進白鷓一  
架

命海西臣郎世寧繪圖

御製詩

鷓之與雉如枳橘鷓鳥之中俊莫匹是皆其色



雜倉黝如雪白者萬無一矯然致此白將軍聳  
立一朵梨花雲玉架金條不放去爾行其義我  
行仁嚴若邳都飛李廣問鴻何來來海上蘭臺  
令史頌白雉詎奮竒功酬秦養鵠乎鵠乎秋其  
德而辛其色珠毛出衆非改常致用求真正相  
得

御製白鵠行臣嵇璜敬書鈐印二臣璜筆華春雨

鑒藏寶璽

八  
全

郎世寧畫信閑駒 一軸

本幅絹本縱六尺五寸橫五尺一寸設色畫  
松蘿花草坡上竿繩繫馬一欸 臣郎世寧恭  
繪 鈐印二臣世寧恭畫

御製信閑駒歌

騏不稱力稱其德信閑駒者德力全萬吉惟裏  
闕虎老繼其後者惟斯焉去秋大蒐木蘭鹿箭  
不虛發倒應弦今春小試南海子驚獐感斃無

勞鞭歎玉逐星乃餘事馴良若此誰比肩儲英  
惠駿備天御吾更因之塵育賢 乾隆戊寅季  
春臣于敏中奉

敕敬書鈴印二臣敏中印報國文章

鑒藏寶璽

八  
璽

郎世寧畫羊野鳴秋一軸

本幅絹本縱一尺八寸五分橫九寸五分淺  
設色畫秋林雙鹿款臣郎世寧恭畫鈐印一  
臣郎世寧

御筆 羊野鳴秋 鈐寶一乾隆御筆

鑒藏寶璽

八璽

郎世寧畫白海青

一軸

本幅絹本縱五尺六寸橫三尺七寸五分設  
色畫松樹棲白海青一款臣郎世寧恭繪鈐  
印一恭畫

御題行書

海東翻飛下海西變青為白斯更奇東木西金  
五色配各從其色非人為霍罕部在天山右其  
汗名額爾得尼據誠通貢致方物講來熱鳥隨

譯鞅黃睛玉爪氣雋逸素翹皓羽光陸離龍育  
林監昭遠服為之造屋識無稽豪騰雄擊都昂  
籍純精朗潔單宜題瑞圖越裳漫比擬寫形傳  
實寧可遺下形傳實寧可遺久安永真毅吾思  
霍罕獻上海青至命郎世寧圖之并作歌題  
其上甲申夏月御筆鈐寶二乾隆

鑒藏寶璽

八  
全

艾啓蒙畫寶吉驕圖 一軸

本幅做宣紙本。縱六尺四寸七分。橫五尺一寸。設色畫坡樹下竿繩繫馬一。款海西臣艾啓蒙敬畫。鈐印三。臣。啟蒙敬畫。

御製詠寶吉驕

土爾扈特親王策伯克多爾濟所進色爾克斯處馬也。色爾克斯為洪豁爾所屬。界鄰俄羅斯。土爾扈特歸順時。攜以來者。貢至天閑。調習經。

歲御以行。圓性果馴良。因錫之名。并成是什。

歸順親藩。貢異驄。遠於哈薩路。難通。

向稱哈薩克產良馬。

難得。今其部長貢獻。及以昂市。易善者。克初天。開不為市。親若色爾克。斯之地。更在哈薩克西。

北從未通中國。茲名馬。遠來。尤為難得。云本。殊漢帝貳師取。寧數周。

王八駿同教育。天開觀驥德。竟如土產。備車攻。

題詞自是表誠恪。曰示懷柔。祇愧衷。左傳韓。

之戰。謂晉乘鄭小駟。慶鄭曰。古者大事必乘其。

產。生其水土。而知其人心。安其教誨。而服習其。



道惟所納之無不如志。今乘異產以從戎事，將必悔之弗聽。晉戎馬還溥而止其言，既不衷道且不知馬無足取也。夫晉秦戰於韓原，其曲在晉，取敗固宜。豈由鄭駟之僨事？况良馬多產西北，冀北多馬，至今尚然。他省不能不取，給於此而天馬之來西極，更以遠道為佳，不聞見疑於異產。至於調良馴習，惟視乎馭馬之人，而不繫乎產馬之地。故周官教駢攻駒，亦止言其齒力。

性習而不言物土之宜也若必乘其所產非特  
東南無馬不足以供驅策即齊豫諸境偶得一  
二土馬亦豈及蒙古馬大宛馬之適用乎左氏  
祇圖暢厥詞而不揆當於理此浮夸之所以見  
譏也因用其語輒為訂正之臣梁國治奉  
勅敬書鈐印二臣梁國治內廷供職

艾啟蒙畫。土爾扈特白鷹。一軸。

本幅絹本。縱三尺六寸三分。橫二尺八分。設色畫。絳鞞鷲鳥。架上有臣艾啟蒙恭畫字款。臣艾啟蒙恭繪。

御製詩

歸順重來入覲班。白鷹為獻擊絳環。素翹圓瑞百禽表。竦翮凌虛萬里間。班史休誇一雉賦。周王或異四狼還。懷柔西北猷粗具。歲靖金川計。

正錄

御製土爾扈特貝子錫喇扣肯恭進白鷹命畫院  
繪圖因成是什 乾隆癸巳仲秋月上澣臣于  
敏中奉

勅敬書鈴印二臣于敏中依光日月

鑒藏寶璽

全八璽

賀清泰畫白海青一軸

〔本幅〕絹本。縱五尺五寸二分。橫三尺五分。設色畫。鞞絳鷲鳥。款乾隆四十八年三月二十三日。達拉罕親王旺札爾多爾濟恭

進白海青一架。臣賀清泰恭繪鈐印二。恭畫。

鑒藏寶璽

皇朝禮器圖 九十六冊

本幅絹本縱一尺三寸橫二尺五寸三分右  
設色畫圖左楷書系說兩圖者全幅書說第  
一冊十二幅恭錄

序文

御製皇朝禮器圖式序 五禮五器之文始著虞  
書若璣璫若作繪絺繡若笙鏞祝敎繫手具列  
迨成周考工記乃詳載廣圖尺度與夫方色鈞

鈔圖。連續。疏侈。弁之差。說者謂。跪之有圖。實權  
輿。是漢儒言禮圖者。首推鄭康成。自阮世梁正  
夏侯伏明輩。均莫之逮。宋鼎宗義彙輯禮圖。而  
陸田禮象。陳詳道禮書。復踵而穿穴之。其書幾  
汗牛充棟。然嘗念前之作者。本精意以制跪。則  
罷傳後之述者。執罷而不求精意。則罷缺。要其  
歸不出臆說傳會二者而已。我朝

聖聖相承。法物修明。折衷大備。維是教

天尊

祖頌朝詰戎之典弗懈益虔第所司展事具儀間沿前代舊式方名象數時有未協爰諏禮官自

郊壇祭器及鹵簿儀仗輦輅以次釐正至冠服以彰物采樂器以備聲容宜準彝章允符定則而觀象臺儀器自

皇祖親定閱數紀於今度次不免歲差又武備器什有舊會典未經臚載者皆是蒐是程進御需定



予以崇飭

祀饗朝會軍旅諸大政。願弗蒼萃成帙。慮無以垂光  
策。府於是按器譜圖。系說左方。區為八部。用付  
刑。刑俾永其傳。夫蓮豆簋蓋。所以事

神明也。前代以益盥充數。朕則依古。改之。至於衣冠  
乃一代昭度。夏收殷尋。本不相襲。朕則依我朝  
之舊。而不敢改焉。恐後之人。執朕此舉。而議及  
衣冠。則朕為得罪。

祖宗之人矣。此大不可。且北魏遼金以及有元。凡改漢衣冠者。無不一再世而亡。後之子孫。能以朕志為志者。必不惑於流言。於以綿國祚承。

天佑於萬斯年。勿替引之。可不慎乎。可不戒乎。是為序。臣梁國治奉

勅敬書鈔印二。臣治祭罷目錄第二冊十九幅祭罷。

天壇正位。

配位第三冊二十一幅祭罷

天壇從位第四冊十九幅祭罷

祈穀壇正位

配位第五冊三十幅祭罷

地壇正位

配位從位第六冊二十二幅祭罷

社稷壇正位

配位第七冊十二幅祭罷

朝日壇第八冊二十三幅

夕月壇正位配位第九冊二十二幅祭罷

先農壇

先蠶壇第十冊十二幅祭罷

天神壇

地祇壇第十一冊二十二幅祭罷

太歲壇正位兩廡第十二冊十四幅祭罷

太歲正殿第十三冊十四幅祭罷

太廟後殿第十四冊十八幅祭罷

太廟兩廡第十五冊十二幅祭罷

奉先殿第十六冊十九幅祭罷

文廟正位配位第十七冊十七幅祭罷

太廟十二哲兩廡第十八冊二十五幅祭罷

崇聖祠正位配位兩廡第十九冊十一幅祭罷

侍心殿正位配位第二十冊十九幅祭罷

帝王廟正位兩廡第二十一冊二十五幅祭罷

先賢廟正位配位兩廡第二十二冊十九幅祭罷  
關帝廟前殿後殿第二十三冊二十七幅祭罷  
都城隍廟

內城隍廟

永佑廟第二十四冊十六幅祭罷

天下第一泉龍王廟

昭靈沛澤龍王廟第二十五冊三幅儀罷目錄

第二十六冊十六幅儀罷

欽定天體儀至

御製地球儀第二十七冊十七幅儀  
政儀至六合驗時儀第二十八冊十七幅儀  
麗四定表全圓儀至攝光千里鏡第二十九冊二十二幅冠服目錄第三十冊三十幅冠服

皇帝冬朝冠至朝帶第三十一冊二十三幅冠服  
皇帝冬吉服冠至常服冠第三十二冊二十三幅

冠服

皇太子第三十三册十八幅冠服

皇子第三十四册二十二幅冠服親王世子郡

王第三十五册三十六幅冠服貝勒至和碩

額駙第三十六册二十二幅冠服民公侯伯

第三十七册三十二幅冠服丈一品至一等

侍衛第三十八册三十幅冠服丈四品至三

等侍衛第三十九册三十幅冠服丈六品至



武九品第四十册七十七幅冠服進士至從  
耕農官

皇帝雨冠衣裳

皇太子以下至職官軍民雨冠衣裳第四十一  
册三十二幅冠服

皇太后

皇后冬朝冠至夏朝裙第四十二册二十二幅冠  
服

皇太后

皇后吉服冠至龍袍第四十三册三十幅冠服

皇貴妃第四十四册三十九幅冠服

貴妃第四十五册三十幅冠服

妃第四十六册三十七幅冠服

嬪第四十七册三十四幅冠服

皇太子妃第四十八册二十幅冠服

皇子福晉第四十九册二十二幅冠服親王世

子郡王福晉第五十冊二十五幅冠服貝勒  
夫人至輔國公女鄉君第五十一冊十九幅  
冠服民公侯伯夫人第五十二冊二十三幅  
冠服一品命婦至七品命婦第五十三冊九  
幅樂器目錄第五十四冊三十九幅樂器朝  
會中和韶樂第五十五冊十九幅樂器朝會  
丹陛大樂鹵簿鼓火大樂第五十六冊二十  
一幅樂器鹵簿導迎樂

巡幸饒吹樂第五十七冊十七幅樂器祭祀中和  
韶舞耕藉禾詞樂采桑歌樂第五十八冊  
十七幅樂器燕饗清樂慶隆舞樂茄吹樂第  
五十九冊四十六幅樂器燕饗番部合樂朝  
鮮國俳樂瓦爾喀部舞樂回部樂安南國樂  
緬甸國樂廓爾喀部樂第六十冊三十一幅  
樂器凱旋饒歌凱歌樂第六十一冊十七幅  
鹵簿目錄第六十二冊二十七幅鹵簿

皇帝大駕鹵簿玉輦至方纛第六十三册二十九  
幅鹵簿

皇帝大駕鹵簿壽扇至黃麾第六十四册三十八  
幅鹵簿

皇帝大駕鹵簿八旗驍騎轟至天鹿旗第六十五  
册十八幅鹵簿

皇帝大駕鹵簿青龍旗至水星旗第六十六册二  
十八幅鹵簿

皇帝大駕鹵簿。角宿旗至軫宿旗。第六十七冊。二  
十五幅鹵簿。

皇帝大駕鹵簿。甘雨旗至入蹕旗。第六十八冊。二  
十二幅鹵簿。

皇帝大駕鹵簿。鉞至黃龍大壽。

皇帝法駕鹵簿。金犖禮輿。

皇帝鑿駕鹵簿。步輿。

皇帝騎駕鹵簿。輕步輿。第六十九冊。三十幅鹵簿。

皇太后儀駕第七十冊二十九幅鹵簿

皇后儀駕第七十一冊二十六幅鹵簿

皇貴妃儀仗第七十二冊二十七幅鹵簿

貴妃儀仗

妃

嬪采仗第七十三冊十四幅武備目錄第七十

四冊二十九幅武備

皇帝大閱隨侍甲冑親王至王府護軍甲冑第七

十五冊五十一幅武備前鋒枝曹至鏢子甲  
第七十六冊三十三幅武備

行營冠服第七十七冊三十一幅武備

皇帝御用橐鞬弓矢第七十八冊十九幅武備梅  
鉞箭至叉鉏箭第七十九冊二十四幅武備  
索倫哨箭至魚叉箭第八十冊二十六幅武  
備

皇帝御用侯鶴地球如意弩至職官兵丁箭第八



十一冊二十二幅武備

皇帝佩刀親王刀至藤牌營挑刀第八十二冊十  
九幅武備漢軍連枷棒至綠營綾風刀第八  
十三冊二十一幅武備綠營長槍至通天鉞  
第八十四冊二十幅武備綠營長柄斧至武  
科石第八十五冊二十二幅武備

御製礮及各營礮第八十六冊十六幅武備

御製

御用火鏡第八十七冊十六幅武備舊神花鏡至  
新回部花套鏡第八十八冊十八幅武備大  
線鎗至兵丁烏鎗第八十九冊二十七幅武  
備。

皇帝行營旗幟

行圍旗幟得勝

靈壽第九冊四十四幅武備八旗都統壽至  
健銳營前鋒校旗第九十一冊四十幅武備

火毘營護軍參領壽至綠營什長旗第九十  
二冊八幅武備

皇帝大閱黃幄

駐蹕大營御幄

倂蹕頓營親王禮帳職官兵丁帳房涼棚別纂為  
皇朝禮苑圖式書十八卷

鑒藏寶璽

八重

五福五代堂寶八徵耄念之寶乾

隆御覽之寶

平定伊犁回部戰圖一冊

本幅宣紙本十七幅縱一尺七寸橫二尺八寸前一幅

御筆序行書

西師定功於己卯越七年丙戌戰圖始成因詳  
詢軍營征戰形勢以及結構丹青有需時日也  
夫我將士出百死一生為國宣力賴以有成而  
使其泯滅無聞朕豈忍為哉是以紫光閣既勒

有功臣之像而此則各就血戰之地繪其攻堅所  
銳斬將搃旗實蹟以旌厥勞而表厥勇爾時披  
露布已有成詠者即書之幀間其未經點筆  
者茲特補詠凡六事禮不云乎聽鼓鼙之聲則  
思將帥之臣撫是圖也有不啻若是之感先是  
宵旰勤勞雖日神馳於連營列陣之間此則目  
擊心存竟如指揮諸將士於折衝禦侮之際而  
痛定之懼予惟益欽

天眷於無窮。凜月盈於有永。遑敢自詡。坐謀伐赫濯  
而忘執業哉。乾隆丙戌孟夏月。御題鈴寶二  
惟精惟一。乾隆宸翰。後十六幅。設色畫大軍平  
定伊犁及回部諸城事。一平定伊犁受降。二  
格登鄂拉斫營。三鄂壘札拉圖之戰。四和落  
霍斯之捷。五庫龍癸之戰。六烏什酋長獻城  
降。七黑水圍解。八呼爾滿大捷。九通古思魯  
克之戰。十霍斯庫魯克之戰。十一阿爾楚爾。

之戰十二伊西洱庫爾淖爾之戰十三拔達

山汗納款十四平定回部獻俘十五

郊勞成功將士十六

凱宴成功將士

御筆分題行書

平定伊犁受降 乘時命將定條枝

天佑人歸捷報馳無戰有征安絕域壺漿軍食迎王

師

兩朝締構敢云繼百世寧綏有所思好雨優霑土宇  
拓敬心那為慰心移乙亥仲夏月作御筆格  
登鄂拉斫營 阿玉錫者伊何人準噶爾屬司  
牧臣其法復罪應剉臂何不即斬犯厥尊徒步  
萬里來向化育之塞外

先朝恩薩拉爾來述其事云即彼中勇絕倫持銳迎  
面未及發直進手奪無遠巡台見賜銀擢侍衛  
即命先驅清漢塵我師直入定伊犁達瓦齊聚



近萬軍鼓其螳臂欲借一依山據淖為營屯我  
兩將軍重諮議以此衆戰玉石焚廟謀本欲安  
絕域捷伐毋乃違皇仁健卒擒選二十二曰阿  
玉錫統其羣曰已圖濟爾噶爾及察哈什副以  
進叶阿玉錫喜曰固當廿五人氣摩青旻銜枚  
夜襲覘賊向如萬祖父臨兇孫大聲策馬入敵  
壘厥角披靡相躡奔降者六十五百騎阿玉錫  
手大纛舉達瓦齊攜近千騎馳走喙息嗟難存

荆軻孟賁一夫勇徒以藉甚人稱論神勇有如  
阿玉錫知方亦復知報恩今我作歌壯生色千  
秋以後斯人聞乙亥季夏月下澣作御筆 鄂  
壘扎拉圖之戰 以誠馭詐致相輕哈薩纒回  
謫變生戊巳駐營携少卒螳螂怒臂阻前程直  
何畏曲中宵出一可當千衆賊驚竟得全師逢  
接騎整軍復入大功成丙戌新春補咏御筆  
和落霍漸之捷 今春我師勦逆夷首戰實和

落霍漸斬將寨旗早報捷酬勞頒賚已有差即  
今生解俘囚至曰渥赭特宰桑伊散秩大臣曾  
受職乃敢倡亂如鴉鷓而詢彼所致敗故咋舌  
惟嘆天奪其彼衆猶有千餘騎覘知我寡設計  
奇輜重遠行誘我逐層層伏賊據險熾官軍四  
百始馳至少騎示弱山之陸我進彼乃蜂湧集  
銃礮如雨循環施我軍曾無一傷者百靈擁護  
信有之衝鋒突入天齊發賊乃喪膽紛離披鹿

墜隴種各逃命大鞞大膊張軍威殲彼屍僵近  
四百負傷適者數無訾是誠

天助額手慶奮勇要亦資人為問率軍者其人誰起  
勇親王家聲貽戊寅新秋月作御筆 庫隴癸  
之戰 威弧有事射天狼三穴窮追那許歲鋌  
險賊人雖鼠竄擄虛士氣正鷹揚五更直襲屯  
營寨兩騎先收牧馬羊以少勝多張捷伐將軍  
誠勇著旂常丙戌孟春上游補詠御筆 烏什

酋長獻城降 執渠早是被恩榮  
畏逼遽隨尚 近情誠順料  
伊將倒戟剪 尤非我願佳  
兵申明 味雉霜嚴令  
疊見牽羊肉 袒迎。

天佑人歸遠 底績越因兢  
業凜虧盈 戊寅九秋月作  
御筆 黑水圍解 喀喇烏蘇者  
唐言黑水同 去年我軍薄  
徇穴強弩之末 難稱雄  
築壘黑水 待圍解 詎人力也

天幘幪明瑞 馳躡踰月到  
面詢其故 悚于表 蜂蟻張

甄數無萬三千餘人守從容審未濟軍軍氣壯  
奚肯來趨山鞠窮引水灌我我預備反資衆飲  
用益瑩銳不中人中營樹何至折骸新材充著  
木銳鐵獲萬億翻以擊賊賊計窮先是營內所  
穿井圍將解乃智其中聞言為之悵諸臣實鞠  
躬既復為之感

天眷信深崇敬請

皇祖實錄語所載曾聞我

太宗時明四總兵來戰。正值大霧彌宇。寧敏施火礮。樹皆燬。都統艾塔往視。攻回。

奏敵礮止傷樹。我兵曾無傷矢弓。匪今伊

昔蒙

帝祐。覲揚

前烈。勵予。沖詎。人力也。

天旃。蒙大清。寰海。欽皇風。己卯孟夏月。作御筆。呼

爾滿大捷。我師萬里外。馬力實難繼。況深入

賊巢主客勢誠異以此被所圍固守鼓衆氣豈  
忍罪輕進惟獎勤王事再三督援師速進以接  
濟亦不待督責敵愾人同勵屈指數居諸兵應  
臨彼地爭勝在俯仰所關信非細中夜不安寢  
亟盼佳音至忽傳驛致章秉燭披衣視鏖戰五  
日夜斬將奪旗幟副將軍富德叅贊及軍士同  
心成臣功殲賊數千騎已近將軍營通信卒遣  
四頑徇百計攻官軍一意備以此歷三月無恙



皆寧謚相商夫擎策一舉期功遂四月寤寐紫  
今朝始慶慰殷心念衆勞額手感

天賜佇待捷音馳國朝威遠被己卯仲春月作御筆

通古思魯克之戰 兩回首昔因莎車得地

忘恩應翦除赤翟蜂屯助白翟僞如狼顧虜榮  
如渡河騎卒五百耳背郭賊將二萬餘守墨竟  
同援兵返忠誠迴憶並款款丙戌孟春月補詠  
御筆 霍斯庫魯克之戰 回城既定進追兇

雙耳山前竄跡逢賊已六千橫據嶺兵纔九百  
仰攻峰遮回安集延逃路直躡拔達山去蹤將  
卒同心奮敵憶千秋國史勒勲庸丙戌新正補  
詠御筆 阿爾楚爾之戰 霍斯庫魯適餘魂  
合旅窮追玉水源蕃部勤王隨契苾旗軍勵志  
定堅昆蚩尤所恃依重險風后宛同控八門健  
銳營兵精火器雪山倏作陸渾原丙戌孟春月  
上游補詠御筆 伊西洱庫爾淖爾之戰 三

交三昧武貌雄點鼠徒嗟五技窮一絢沿溪進  
魚貫千尋列嶂突竄叢遊魂金底雖潛脫馳檄  
天邊竟定功歲事追思臨事慎持盈永以勵深  
衷丙戌孟春上澣補詠御筆 拔達山汗納款  
突入殲渠逃望風情如三窟已途窮嘉茲識  
早獻馘順笑彼悔遲跋扈雄和衆永者兩部之  
成功速在五年中

天恩如此昭優賚保泰彌殷慎敕躬已卯長至月作

御筆 平定回部獻俘 函首霍占來月竈傾  
心素坦欵天閣理官淑問寧須試驃騎窮追實  
可滅西海永清武保定午門三御典昭詳從今  
更願無斯事休養吾民共樂康庚辰孟春月上  
澣作御筆 郊勞回部成功詣將士 涼縣郊  
南親勞車

園壇陳

森謝成勳出師本意聊嘗試奏凱今朝傳禮文釋甲

鼓戈罷征伐論功行賞策忠勤  
却前抱見詢經  
歷一瞬五年成以欣  
同心萬里那睽違  
畢竟歡言賦采薇  
勇將歸來兼福將  
敝衣著得解戎衣  
湯稱偃武修文日  
恐即嬉文恬武機  
飲至寧誇暢和樂  
持盈益勵慎幾微  
庚辰仲春下泮作  
御筆  
凱宴成功諸將士  
得詩八章  
出勞嘉勲  
嚴禮旋昇平  
凱宴液池堦  
開疆掃逆誠  
資衆助順成功總賴

天策績林林思予厚詢勞一一命來前寧惟云不重  
生望祇覺回思越悚然日麗風和春未深獎  
庸備禮有士林試看偃伯靈臺上詎數沉觴曲  
水潯命預綺筵排伯克也陳夷樂奏任禁笑聆  
蜀技無情者那覺西悲動乃心圓幕高張榆  
柳垂搗筵喜值禊修時策勳舍爵竟今日營武  
書常允不期誰擬浯溪泐崖頌我歌靈夏出車  
詩紫光將畫凌烟像穆棣同叨

乾賜貽 成功將士錦衣旋  
日月光輝軍氣竭 藉我  
虎臣典宿衛 笑他杯酒解兵權  
八旗子弟心如石 萬禩國朝能荷

天 宣看瘡癥猶未愈 能無一體恫瘝連  
柳舒花放 止良辰上日前期福履申  
却甲錄弓盡 見藻四 晴豐額集魚鱗  
千秋難遇太平宴 百戰歸來義  
勇身獨憶儲胥 宣力者凱回未見惜斯人  
敦 瓜烝果允堪憐 二萬何期竟拓邊  
遠愧周王典

六月遲過般帝克三年依楊霏雪凡經幾立幟  
登孤盡陷堅此日征夫真邁止皇洲春滿七條  
絃拔連山人獻載歸三軍飲至謁晴暉勞心  
幸我紆宵旰公道憑伊論是非紫綺朱提頒渥  
澤前歌後舞迂鴻機歡來憶不同來者勞將手  
持淚暗揮芳節延禧淑氣清袂歌聲是凱歌  
聲元戎允合躬承袞勇校均教手賜統藉衆力  
茲疆地戒教予心永奉



天行從來悟得受招理處筆流謹慎捧盃庚辰上巳

日作御筆每幅分鈐寶得佳趣乾隆宸翰

前副葉

御筆 昭功廓宇 鈐寶二 五福五代堂古稀天

子寶八徵耄念之寶

後副葉 臣工恭跋

右圖十有六幅始於伊罕受降訖於回部獻  
傳凡我將士創垂所傳寔奮帝卷之勢與夫  
賊東披靡潰竄磨奔虎驍之狀靡不序寫畢  
其鳴鼓頌饒震耀耳目為千古臚陳戰功者

所未有，幘端各系以御製詩成於泰凱錄功，卽事紀實者十，追敘時地。

補圖補詠者六，既裝滿成冊。

親製序文，題於冊首，並

命曰等恭誌其後，伏惟西陲討伐之後，我不到五

周北庭以北，西陲以西，二萬餘里，咸隸版宇。

皇上廟算精詳，先幾剴用，以洪迓

靈既佑，順協樂，惟時在事諸臣，敬凜

睿謨，以效忠宣，乃克建厥勳。

采銘，酬庸賞，延於世，聲施炳焉，當我師之再克捷

也。

敘豐功，則有

告成太學之碑，有勒銘伊犁格登業爾羌伊西洱

開傳，靈則有

庫爾淖兒之碑。

西師詩

開感論而自乙亥軍興迄己卯釐事見指

賡者凡二百二十餘篇或物石

武成殿廡用誌始末至若五十功臣則繪像

紫光閣

題贊以寵異之又繪其次者五十人

枚臣等擬贊同弄而

開壁左右則繪平定伊犁回部之圖所以昭旂

常垂史牒者為奕乎其詳且備矣世冊復因

事煖圖或採之奏請所傳或徵諸訪詢所述

凡大行間之奮敵獲其狀貌者著勳者志寫

其山川列其事蹟傳其狀貌者著勳者志寫

圖皆得按帙而指數之曰是枝也某責任之

而先登則某之績分部某物則某某之力也

是準部之所以珍滅回部之所以威亡也及

暗

郵勞錫其諸國則又曰是聖主所以獎勞臣亦溼春慶武成也若夫

目擊心存如指揮於折衝禦侮之際與所為欽  
天春而凜月盈者則

序文又已舉其榮要而昭示永久焉臣等因溯出  
師以來軍書旁午

宵旰運籌臣等獲前席咨對之餘親聆  
方畧咸仰

聖明指授萬里之外坐照靡遺茲圖所繪戰勝形  
勢固皆

窳勿機宜所竭如燃犀料如聚未者也臣等管蓋  
機渺吏無能頌揚於萬一云大學士公巨傳

恒大學士巨尹繼善巨劉統勳協辦大學士  
尚書公巨阿里衮尚書巨舒赫德白于敏中  
恭頌鈐印二白于敏中恩需文露

鑒藏寶璽

八

五福五代堂古稀天子寶八徵耄

念之寶。

平定烏什戰圖一冊

本幅宣紙本一幅縱一尺七寸橫二尺八寸  
五分設色畫

大軍平定烏什事款臣賈全恭畫鈐印二臣賈全  
前副葉

御筆 揚武綏疆 鈐寶二五福五代堂古稀天  
子寶八徵耄念之寶

御題行書

烏什戰圖補評

有

自庚辰西師凱旋之後伊犁

則築城墾野。回部則減賦薄徵。視地之大小。險夷各駐以大臣。戍以兵卒。晏然無事矣。越五年乙酉。而有烏什之變。烏什者。介於阿克蘇喀什噶爾之間。為回部適中之地。依山為城。有險可恃。田肥饒。水充足。又有牧場。可滋長馬牛羊。故變亂之後。逆賊守至六越月。始食盡力窮。縛其酋以獻。於是誅戮其精壯。遷徙其婦稚。凡烏什

之城及其所附村落皆為官有駐以大臣戍以  
兵卒如前制而更申明紀律焉夫烏什固據形  
勝得扼吭揆臂之勢而宜厚駐我兵以鎮懾衆  
回部之地也初以王師勦逆撫順不可無故奪  
之今值波變亂自取屠滅因以為回部遣中官  
軍都會之地是又開惑論所謂愈變而愈康者  
非

天垂貺豈能若是哉而予渺躬之荷



龍綏勵兢業。又當何如哉。其致變之由。及我官軍之

奮勇克復。條為六事。各繫以詠如左。聞變。

己酉二月烏什小伯克賴黑木圖拉等。聚衆五百餘。乘夜縱火焚掠。戕殺官軍。駐守之副都統素誠自殺。賊遂據城為變。時駐阿克蘇之副都統下塔海聞之。急郵奏報。覽其詞過於張皇。知其庸懦不足集事。且回部久懷德威。使非激之。致亂不應自棄化外。庸可不察其由。以示懲創。

因降旨駐伊犁之將軍明瑞細查致變之由以  
聞。南巡三月返春舟六百飛傳計里郵展視  
乃知烏什變報來始自阿蘇投輕徭本是常施  
惠倡亂何當彼取尤師駐伊犁定赴援重臣宣  
命察因由。師援。阿克蘇喀什噶爾與烏什  
相犄角應援最近而下塔海與駐喀什噶爾之  
副都統納世通雖亦領兵往救但二人素未經  
戰陣無益於事時明瑞聞而統兵赴援兼程逆

進至則申明軍律並力攻城賊始困窘 勲威  
伊犁董重兵早年回部得威名變聞遂率雄師  
援途遠仍教兼驛行可笑無能還姑阻幸因未  
聽遂適征逆回始相倉皇守壁壘新知紀律明  
獻謀烏什伯克賴黑木圖拉既叛慮其力  
之不能抗我師也乃相與聚謀走間諜巴布敦  
等卑辭厚幣求援於霍罕之厄爾德尼伯克又  
教為詭語以煽惑所過諸布魯特惟時布魯特

久效恭順且知逆黨之妄也遂執巴布敦等遣  
使詣喀什噶爾以獻 遊牧東西勃律連不同  
回部列氓編負城既叛賴黑木間道潛通安集  
延布魯達居路徑過駒支騫過計擒全捫都解  
送喀什噶爾外域輸忠意實虔 悉故 布魯特  
既縛獻巴布敦等於喀什噶爾時駐喀什噶爾  
之副都統柏琨訊其變亂之由則稱烏什之阿  
奇木伯克阿布都拉橫派黷擾蕩檢宣淫而副

都統素誠不但加督責且與之同流合汙以是回衆不勝其忿遂脅聚生變又納世通卞塔海平時亦妄自尊大凌虐諸回素為衆怨所集且卞塔海初至烏什城下不事詰劄輒施鎗礮以攻及賊出担復怯而敗走納世通繼至亦茫然不知所措賊益逞其負隅之勢明瑞詢察得實臚章入告與柏琨所奏悉合因各視其罪重懲之巴布敦辭實可憑周諮我衆又堪徵哥

舒翰既少恩甚李。大宜還耽樂。仍一死餘辜。真  
尚有兩驚。是駕愧惟增。可同効節。加優恤。用戒  
將來。示創懲。攻堅。明瑞等攻烏什數月。圍  
困甚力。出拒戰者。即擒獲。誅磔。於是賊驚駭。聚  
計。謂與其束手就斃。毋寧捨死以求生。因謀夜  
出襲營。我師覘知之。預為之備。賊首賴黑木圖  
拉。中箭死。賊黨益窘怖。復推賴黑木圖拉之父  
厄塞木圖拉為阿奇木。恣眾死守。以延殘喘。此

皆得之捉生鞠訊者已而明瑞復擒駭銳夜薄  
其城登陴毀堞奮擊獲大勝賊自是日危蹙矣  
罪不容誅賊自知求生捨死死相持誘來平  
野騎弗進仰薄高峯銳競施督以衝堅誠亦易  
諭令鄭重故因遲雲梯豎即登城堞早使遊魂  
釜底馳城復登城之捷賊益膽落我軍乃  
逼城築壘嚴圍斷其樵汲即有突出者並擊斃  
之賊城糧絕馬餓拆屋以爨撤茅以飼殍仆溢

途巷衆皆憂悸離畔沙布爾者烏什之舊商伯克故未從賊為惡乘人心洶懼謀縛厄塞木圖拉詣軍營納款因以獻城至夜遂內潰先是諭明瑞等曰賊不早悔罪伏法若城垂墮始乞降則不可貸當盡殲之以揚我武邈明我軍振旅入城悉殲其黨羽徙其婦孺烏什復平時八月十五日也 斧塘蜂蝎勢將成將恐多傷退我兵高壘深壕莫道命柝骸易子苟延生倒戈縛



就無完卵與觀獻來速破城教寫陣圖旌衆勇  
定功惟是凜虛盈。乾隆戊子新正御筆每幅  
分鈐寶德充符會心不遠飛躍天機造琴書道  
趣生含經味道有典有則惟善為寶辭尚體要  
惟精精一乾隆宸翰茹古涵今詩書悅性存乾隆  
後副葉臣工恭跋

欽惟張

皇上者武集勳無有函夏既平西域湯四部奔走  
聖服咸為臣僕於是乎有伊犁我國之刻維  
時馬什酋長宸登

天聲敬城納款  
上以勦逆撫順未忍處割留兵屯戍勿違徒其人

聖人如者

天  
命好生之德也越五年而頑梗弗明自取殲滅始  
將移師掃其巢穴於是乎復有烏什賊亂之繪

臣等謹按國詠凡六曰聞變記烏什小克伯  
賴黑木圖拉等據城創亂之始郵章入告詞

上洞悉情偽俾訪實始加懲創也曰師拔記伊犁

將軍明瑞率師赴援兼程邁進軍律申明也  
曰獻塔賴黑木圖拉來援於霍罕伯克且以

煽惑諸部而布魯特等久效恭順縛其間環  
以獻也曰志故明瑞訪察守臣平日致亂之

上以孤城無援易於收復不欲士卒輕櫻鋒鏑止  
由各視其罪重懲也曰攻堅

大

以仁

愛為心用教寧中外坐付所覆土宇於我

也惟

之星也未能如今日之避過壹體暫答永遠

皇上也我皇上也其弗靖與行

天

俾西蒙純慕皇古不宥之域咸築城墜野滅

武滿徂一如內地衆利蒙休永永萬年凡此

者皆

天也使其變而自作尊者

天之所以佑好

聖人也因其受而取之哉

聖人之所以善承

天也

王言愈變而愈康惟

聖人能康之亦惟

聖人能知之是以即康功而無不康也書曰庶事

康哉詩曰第祿爾康矣此我

皇上之所以深乾惕而承

乎佑者也臣等恭覽戰國策誦

御製諸什仰見我

皇上之善選刑非能變害機一如西師時之

先我兩竭

爾漢獨運是以兵不血刃而秦功遠也則是國也國

策附昭示萬年者也臣等奉

故恭誌國後身勝禁戒欣幸之至大學士公臣傅  
恒大學士臣尹懋善臣劉統勳協辦大學士  
尚書臣利綸尚書臣于敏中尚書公臣福隆  
安拜于指首志踐。

鑒減寶璽  
五福五代堂古稀天子寶八徵耄

念之寶

平定兩金川戰圖 一冊

本幅宣紙本十七幅每幅縱一尺七寸三分  
橫二尺八寸四分前一幅

御筆序行書

丙戌戰圖紀西師事而有補詠六詩戊子戰圖  
紀烏什事亦有補詠六詩茲繪平定兩金川戰  
圖凡十六幀則皆歷年因事成什無煩補為者  
也夫戰圖之不可無以將士盡忠敵愾宣猷立

勲不可忘其勞也而一而再再而三雖曰應

天順人出乎不得已非窮兵黷武之為誰其信之曹  
松之言非為將者之過皆予一人之愆幸而集  
事庶免勞而無功之議耳然圖以旌其勇詩以識  
其詳觀其圖以繹其詩則予所以夙夜勤劬運  
籌狎至不曾與諸將士共折衝於矢石金鼓  
之間者畢見於是或少謝但知己逸而不知人  
勞是則予所深企而猶未可必者也予之子孫

其尚以予之所為為戒更當以予之所為為勉  
如其不能則莫如息事寧人如漢文帝宋仁宗  
之自守可耳 丙申孟冬月上澣御筆鈐寶二  
惟精惟一乾隆宸翰後十六幅設色畫

大軍平定兩金川事一收復小金川二攻克喇穆  
喇穆山梁及日則了口三攻克羅博瓦山四  
攻克宜喜達爾圖山五攻克日旁六攻克康  
薩爾山梁七攻克木思工噶克了口八攻克宜



喜甲索等處九攻克石真噶十攻克苗則大  
海昆色爾山梁並拉枯喇嘛寺等處十一攻  
得勒烏圍十二攻克科布曲索隆古山梁十  
三攻克噶喇依賊巢十四郊臺迎勞十五午  
門受俘十六

紫光閣凱宴

御筆分題行書

事之將難上峻山事之將易下順水旬日全定

小金川幅員五百有餘里。迴思六月債事時。猖獗賊亦迅。若此一朝失。亦一朝得。

天道好還原。定理整兵直進討。促浸雪嶺險滑仍如。

彼擬欲持以久。因之復慮師老致委靡。賈勇及鋒而用壯。一月三捷心焉企。我非蹟武願佳兵。

捷伐由来不得已。

將軍阿桂奏報官軍此後小金川金境詩以誌軍

色溯普克固可進。喇穆喇穆轉在後。山梁上有賊戰。礪直進仍虞彼掣肘。我兵相勢分營圍。而

匪聚徒亦嚴守。惟彼峰尖，兩大礮肋，岷如削，猿  
難走，以故賊不甚隄防。得此斯為踞其守，搯吭  
拊背，則無難搗虛抵隙，或堪駭。分兵路路各進，  
攻別選精銳，登峰巉峭，壁直上千仞高，以頂繼  
踵翼為首。須臾遂克，兩戰礮賊衆盡殲，無一漏。  
其餘各礮雖力拒，我圍益堅，魚在罾，賊知難拒，  
盡棄遁。我兵追戮多，僮仆柔勝，勇氣百倍，增並  
即克日則了口。是役諸將皆用力，而海蘭察功

最右相機取遜克爾宗佇待捷音奏囊部

將軍阿桂

奏報大兵攻克喇穆喇穆山梁反日則了口詩以誌事

羅博瓦最高四

峯互圍擁危石鎖巖芽水巖滑龍窠賊繫要門  
戶死守弗開空然勢在必取將軍申戒董八旗  
子弟兵其中多將植心既堅忠義力倍加拳勇  
偏伍與彌縫部署勞洞洞夜發曉將及賊聚拒  
衝湧據高直下搏我師屹弗動待其近至前持  
滿無不中綠旗及土練激勵均躍躡履險如席

平騰高擬鳥撥刀矛短兵接賊敗不旋踵隴種  
奔崇角。棍踉逃穴孔。兩日尅八碉。廿六卡獲兄。  
賊巢斯已近。一鼓期收總。然予更有思。好生承  
天寵。逸德玉石焚。佳兵誠宜奉。渠魁所弗赦。骨從實  
懵懂曉之令。歸命倒戈或陰拱。誅殺或弗亟。成  
功庶速鞏。寄諭相咨訓。慎事惟虔竦。將軍阿桂  
春報攻克  
帶得丸山。剛瘴賊賊來。宜喜達爾圖賊之北  
相機進劫。詩以誌事。

門戶攻已一歲餘。曾未進數武。所以壹昇額改。

國易西路明亮進正地復以過險阻亦欲往西路已謂議可許阿桂令其回牽綴由宜喜昨接阿桂奏攻碉進了口。晴明望宜喜賊碉毀弗覩但見我軍營列據山梁處疑信尚未定今朝奏索剖分攻彼七碉奮勇齊並舉一時皆即克蕪得格勒古惟餘第四碉勦衆期必取成功神且速嘉勞難盡語而實賴

天佑助順默相輔賊巢已逼近壇臂應難禦諸臣既

同心和則力共努。定功膺茂褒。捷音日夜佇。

行副

軍明亮未攻克宜喜連爾圖山梁  
己謀要嚴善進取賊巢詩以誌事

三軍同力

努。諸將一心佳。連爾圖雖險。日旁梯可階。分兵

還選隊。入箐更緣崖。正正旗先展。堂堂陣自闌。

聲東擊西應。前至後登皆。流鏑飛撻擗。抱頭互

擠排。石包難復守。沙壩亦淪埋。望已賊巢近。橋

從虛處換。夾攻知日指。大捷候星差。和起真宵

子。欣餘切感懷。

別將軍明亮攻克日旁  
一帶碉寨詩以誌慰

自克

然格爾山梁滿擬即通平賊信侵尋待之適兩  
月塞拉噶拉兵仍頻蓋緣已扼賊門戶因之死  
守防益慎彼處跬步無非山石劔藎叢允難進  
於康薩爾築碉寨弗遺餘力據險峻嘉哉我將  
及吏卒敵愾同志衆積恨拔彼鹿角越彼濠直  
逼碉根登奮迅堅壘深窖一時摧大鞬大膊不  
遑愆三日殲賊二百餘遂奪山梁高萬仞石碉  
凡十木城四近碉寨卡全收盡齊心努力悅以



憐普齊特旌夫豈靳勒爾策依壽即捷迅雷不  
及掩耳震譬如破竹已裂節其解自當速迎刃  
事半功倍豈期然為山九仞懼尤甚佇俟紅旗  
報大捷竭誠惟願

天助

順

將軍阿桂奏報攻克康薩爾  
山梁碩寨木場詩以誌事

自報克復康

薩爾頓兵三月未能進雖時斬勒賊小創以近  
巢穴守愈峻定計兩路為夾攻宜喜下壑乘其  
懈精兵既益調遣定爰稱天晴入奮迅了口為

賊境咽喉未因宜喜潛抽引而我將卒鼓敵懷  
直冒烟火無回吝三面險碕一時奪自此徑進  
勢應順西路捷實賴

天佑更稱望見北路近得楞碕卡已攻獲薩克薩谷

下一瞬一日可收三年功佇時明亮報實信

阿桂奏報攻克木恩工噶  
克丁口等碕碕詩以誌事

去年宜喜據山梁

未進都因去路長增調官車足供用更相籌畫

總行良日旁別級聊虛擲甲索先攻且試嘗鼓

勇遂教分隊入剪先都勵一心強礪平柵克力  
羣奮訊執醜擒氣越揚乘勝齊兵擬下壑截前  
料賊即奔忙兩軍會合指旦晚衆志歡呼益暉

獲三捷勒烏圍竄近紅旗第一到懸望

副將軍  
明亮奏

報攻克宜喜甲索等  
處明卡詩以誌事

宜喜雖經下壑攻近巢

力守聚羣我因教逾月阻多砦忽報雙礪尅來  
雄軍雜役喧進猶巧將先兵奮效惟忠石包已  
俯勒圍背捷粉紅旗指日中

副將軍明亮奏  
攻克石真噶賊礪

詩以誌事

勒圍望見阻巴占。繞路進攻兵出潛騰。

石攀林越溝底屯蜂附蟻上礮尖。百餘處尅窮

巢近三日力殫羣賊殲將卒一心同効蓋可嘉

并與可憐兼

將軍阿桂奏報攻克舊喇嘛寺等處詩

事以誌

勒烏圍賊舊官寨垣固礮高不易攻石

卡木城接鱗次水臨山背據盤叢計窮百變同

據蓋志合三軍共建功優叙先行循令典威庸

封爵待恩崇

八月廿四日丑時將軍阿桂馳報攻得勒烏圍紅旗是晚奏摺至如

攻克賊巢詳  
志詩以誌事

西里尅未逮一月賊巢近復阻

山梁索隆古據建瓴勢噶喇依頻覆卵殃冒險

衝鋒資衆力除兇助順賴

天慶

紅旗早晚其將至益切中宵盼不違

將軍阿桂奏攻克科

布由索隆古山梁等處礮擊即期退轉賊巢紅旗

以誌事將軍阿桂奏攻克噶喇依賊巢紅旗

根捷喜成凱歌十首於部查通營將軍阿桂  
凱旋將士等成凱歌十首俱見本處所藏弘時  
畫紅旗三畏威赦罪昔已已備德致停令丙申

真首函呈非或首生人組繫是乎人陳儀凱

獻聲靈赫偃武歡騰禮樂彬四沐

天恩際時泰盈虛默念倍惶寅

在川平定初十門受俘即事成作

己巳班師原赦罪丙寅宴凱信成功  
樊崇甫以十年叛并布奚當六戰雄  
蠶食狼貪終弗改難連統取孰矜窮  
五年宵旰勞西顧幸親酬輟禮樂融  
郊勞昨還晚受俘禮應凱宴答功膺  
修儀偃伯斯宜矣夜雨朝晴有是乎  
紫閣貌圓俾績顯金卮手賜按名呼  
鉞癘著處恫關切念此

何敢耀武吾 美諾重征得重躬勒圖多戰信  
多勞詎予隴蜀無已望念彼孽芽有藉薶資哩  
卞了消雪窟木思西里化冰嶺而今都是光明  
境屯戍相將事擇標 上將歸來是近臣國朝  
家法萬年循解兵笑彼一盃酒示澤欣茲滿座春夷  
樂寧須闢傑侏侏歌合此奏置偃鴻勳集矣兩  
腸若祇恐驕生志倍實 紫光閣峙液池邊為  
寫戰圖廊展前 幸矣竟如操左券嘉哉所賴掌

中權揚威擣險重無籍索劍弋合有然五載  
劬勞信不易一為歡喜一為憐 伊犁回部早

成勲又勒畫圖新舊分詎我佳兵不知戰奈其

伏莽敢忘勤頻思舊績翻因感多出翹材繼以

欣湛露采薇重賦罷益欽保泰敢云云

紫光閣  
觀宴成

功諸將  
士作 乾隆丙申孟夏下泮御筆每幅分鈐

寶乾隆

前副葉



御題 聖威剡孽 鈴寶二五福五代堂古稀天

子寶八徵耄念之寶

後副葉臣工恭跋

乾隆丙申歲兩金川既平定膚公克奏凱旋  
旋師

昭 皇上念行士之勞山川之阻集勳之不易  
昭 之式臨爰

命 綸 勳 圖十有六頓用慶成或成或去亦萬禩豐功跋  
烈 震 耀 天 地 俾 臣 舒 赫 德 等 級 簡 簡 未 臣 等

日 侍  
某 是 仰 見 我

皇 上 睿 謀 神 武 於 金 川 一 役 五 年 之 中  
宵 旰 勤 劬 運 籌

批卷策定於深宮機應於萬里每將古蹟至臣等

聽聆

天語指授機宜決形勢之險夷料賊情之虛實恭

撫斯圖不啻觀火而視詣掌也是以臣等

等董率行士寅水

方畧用克成功蓋

至誠如神之道也夫前此蕩平西域伊犁回部拓

地且二萬里視金川為倍蓰而事勢有不同

者其地崇山複嶂林塞菁深石卡礮機米堅

雪滑非若西陲沙漠平原曠野之可以三軍

飽馳也其負嵎恃險盤駟相依非若拉朽摧

枯之可以一朝靡末也撫斯圖也雪山萬仞

有棧天梯尺幅之間豆人寸馬賊衆之駭

奔騰獸駭禽驚恍然見我軍之雷勇劇堅先

登臨陣猶若拘怒未息也至兩金川以內地

土司負

愚反噬其食時封自干  
天討此我

皇上用兵不得已之心天下臣民無不曉然而共  
喻者也且伏讀

御製戰國序與  
御製誌事諸詩以仰窺我

皇上聖懷淵揚履或持盈之遠不誇耀夫開疆闢  
土而惟慎武窮兵之是懼不侈美夫獻誠獻

思所以垂萬年而示久遠者不惟以今之所為為  
因而惟折衝夫石之堪矜且

諄諄然於息事寧人三致意焉則信乎好生者

天之心也不特已而用兵者  
聖人之所以慮

天祐而順人也非以自  
天祐之吉無不利版章厚而

帝祿康也圖始於收復小金川終於鄂魯凱旋  
慎幅與平定伊卑戰陶祖合臣等親觀

策勳之或典自愧官窺區測不足以頌  
聖武之遠揚紀無前之偉績猶之增乾坤者難為

容華日月者難為光也大學士臣舒赫德臣  
于敏中協辦大學士尚書公臣阿桂尚書公  
臣福隆安臣豐昇額侍郎臣梁國治臣和珅  
升手稽首恭跋

鑑藏寶璽  
五福五代堂古稀天子寶八徵耄

念之寶

平定臺灣戰圖 一冊

本幅宣紙本十三幅縱一尺七寸二分橫二尺八寸四分前一幅

御筆序行書

丙戌年曾為西師戰圖補詠六首序而行之蓋其事歷五歲地逾萬里部為兩類故以稽博訪而後圖成茲臺灣之役雖越重洋至內山撫生番然成功未至三月全師凱旋前席親詢歷歷

明明故前已詠而後茲補隔歲而歲以全雖然  
予更有深懼於斯者焉二逆脩理倡亂

天鑒昭然其取滅亡固不待數計而龜卜也然而林  
典文既入內山欲南赴莊大田忽自疑而北返  
是一竒也莊大田實近海而弗逃海以入內山  
又一竒也幸而福安預諭內山生番厚與賞  
項故內山之番皆為我用二逆皆為番所遮以  
就我兵之擒是豈人力哉

天也。

上天佑予並佑予所用之臣所發之兵不有圖形紀勳以旌其勞亦非所以答

明賜而示後昆也。且福康安者故大學士傅恒之子而孝賢皇后之姪也。使不能成此功朕必重罪之。今幸成此大功。愜予之望。不重賞以表忠則予為矯情。其何以勵衆臣哉。故予之愜願在茲。懼懷亦在茲。觀斯文者其庶幾有以諒予乎。亦

庶幾有以知予乎。乾隆己酉孟春月御題鈐寶。  
二古稀天子之寶。猶日孜孜。後十二幅設色畫。  
大軍平定臺灣事。一諸羅圍解。二大埔林之戰。三  
攻克斗六門。四攻克大里杙。五集集埔之戰。  
六攻勦小半天山。七生擒林爽文。八大武隴  
之戰。九枋寮之戰。十生擒莊大田。十一渡海  
登廈門。十二

賜凱還將士宴。



御筆分題行書

福康安奏大勦諸賊開通諸羅並進攻斗六門  
賊勢潰散信至詩以誌慰昨改賜諸羅縣名爲  
嘉義合縣士民守城之忠實堪彰善也罕港雖  
攻取諸羅仍艱進幸早續發兵重臣成名震勇  
將選以百新兵強風振波海雖遲日以遲翻成  
迅齊力遂翦瀛一日風資順進由鹿仔港三朝  
倏臨陣大克崙仔頂一當百以奮蔗由及草寮

蹂躪率稱盡。卽解諸羅圍。資賊糧。胥運勞軍。及  
義民。歡呼。連饑。僅全活數萬命。旌功。思不吝彰。  
善樹風聲。嘉義名新。晉籌攻斗六門。破竹。應解。  
刃。竹勒大里。棧賊首生擒。訊指日。以俟之。速遞。  
大捷信。丁未嘉平。月之中。泚御筆。鈐寶。二古希。  
天子。猶日孜孜。大埔林之戰。諸羅圍解。迤南。  
通斗六門。當所必攻。不與暇。因操勝計。破其堅。  
乃易成功。路經三埔。皆酣戰。賊擁千羣。尚肆。誑。

大將大韃消頃刻。雄風何異卷飛蓬。已酉新正。  
御筆鈐寶一古稀天子之寶。福康安奏報攻

克斗六門詩以誌事。

見本處所藏  
康安奏報攻克斗六門詩

御筆福

以誌事丁未嘉平御筆鈐寶一古稀天子之寶。

福康安奏報攻克大里枝賊巢詩以誌事。斗六  
門既取直前抵賊巢。躍溪飛馬渡。掃穴短兵交。  
背壘犯雄陣。乘宵揮遁鞘。渠魁猶待獲。盼切捷  
旌擗。丁未嘉平下泮御筆鈐寶一古稀天子之

寶 集集埔之戰。攻開大里。逆潛逃。領衆追蹤。  
佈置牢。齊率健兵。涉溪險。別差精騎。據峯高。有  
奔無路。賊投水。思並威。行士飲膠。此是內山第  
一戰。首先將。逮釜其膏。已酉。新正。上澣。御筆。鈐  
寶。一古稀天子之寶。福康安奏。攻勅。小半天  
山賊匪。並圍截。賊首情形。詩以誌事。曉接軍營  
報。攻平。小半天。前稱獲。眷屬。今復走。兇孱。與暇  
近旬日。聚羣。至二千。層層涉。持重。屢屢戒。遲延。

將士真宣力。領軍可謝德。並行賞與飭。期速奏  
功全。戊申新正御筆鈐寶二。古稀天子之寶。猶  
日孜孜。福康安捐奏生擒逆首林爽文信至。

詩以誌事。

見本處所藏  
生擒逆首林爽文詩

御筆福康安本

戊

申仲春御筆鈐寶一。古稀天子之寶。大武隴

之戰。首逆已從內山獲。次惟南路大田存。當車  
尚作螳臂計。武隴空傳蟻陣屯。搜戾破堅千隊  
奮。駭驚喙竄一時奔。舟師更造預防海。餘烈真

成釜底龜已酉孟春上澣御筆鈐寶二古稀天子之寶猶日孜孜枋寮之戰枋寮武隴北隣接敗後敗人聚守岑顛解沿山截後路那防勦隊出深林蜂屯蟻雜都喪膽倡亂逞奸尔悔心投海沙蟲不計數大田山竄待生擒戊申新正御筆鈐寶一古稀天子之寶福康安奏報生擒莊大田信至詩以誌喜正殿捷信物連朝忽接佳音至自還鹿耳親身防遼柴城瑯嶠獲

山跳一之為甚竟致再鳩既成擒豈救鴟永靖  
瀛壖揚國武益深兢業

昊恩昭茂申仲春下泮御筆鈐寶一古稀天子之寶  
福康安奏報抵廈門登岸並巴圖魯侍衛等  
皆平安渡海詩以誌慰往征進旅遲成速迴渡  
登舟危得安可識臣忠

天必佑益欽

神護衆胥歡除兇旋凱事全歲肝慮宵綦念始寬

自顧何修叨

助順持盈惟勵慎君難茂申季夏上泮御筆鈐寶一  
古稀天子之寶 賜凱還將軍福康安參贊海  
蘭察等晏即席成什去年此際未登程歲績今  
朝凱晏迎來往算仍先一月驅騎真是賴羣英  
國威海嶠揚維烈

祖德山莊佑寶明迴憶肝宵斯擘畫不徒勞耳慰  
猶誠慰中豈不自懷慙何致愚民蹈法甘論武



邊防乃就弛曰文諸吏率為貪債棘方悉誠吾  
過伏鑽奚辭信彼堪善後雖云大端定猶餘屋  
念望東南善後詳陳十六條用斯兩月駐成還  
紆歎山海安萬姓錫晏君臣會一朝念汝父當  
愜懷永視如子合受恩饒受恩饒處人知否不  
嗜殺徼

天惠昭西域金川晏紫先臺灣凱席值山莊敢稱七  
德七功就又報一歸一事備戒滿持盈增惕永

安民和衆繫懷長養年歸政應非遠益此孜孜  
勵自強乾隆戊申孟秋御筆鈐寶二古稀天子  
猶日孜孜

前副葉

御筆 彰伐剪鯨 鈐寶二 五福五代堂古稀天  
子齋八徵耄念之寶

後副葉臣工恭跋

乾隆五十一年十一月臺灣進匪林爽文以  
結會聚衆拒捕戕官滋擾彰化嘉義別城莊

大田英劫鳳山官軍僅持壯郡城弗克捕滅  
維時大吏之往討者未能迅掃賊氛我

皇上獨見萬里明炳獎先

寇翰陝甘總督臣福康安乘驛來京

面稟方畧疾馳赴闕為將軍領侍衛內大臣海蘭

察參贊軍事選派侍衛章京等號巴圖魯者

百人酌胡粵楚黔浙之兵近萬又

命成都將軍鄂輝率屯練兵二千至會臺灣協勦

待渡月餘歡悅一首師未畢濟則已解嘉義

之圍覆大里代之果檜林奕文于老樹崎仔

莊大田于神崎伐芭達菓除膝技前匝月之

間全郡忠定

天子論功行賞福康安海蘭察咸晉爵上公

賜章服列將之有功者各給世職有差陞圖形

紫光閣又

命仿平定西域金川之例自解圍嘉義以及官兵

節次勒賦戰之最力者凡十并凱還渡海  
錫晏山莊為戰圖十二懷各繫

御製詩章凡以紀功宗而誌  
宵旰也伏思

國家當中外乂安

仁恩洽之時逆匪以海隅編戶輒敢盜兵滿池

亂傾妖孽曾不足以膏斧鉞顧方事之殷若  
非我

皇上深契四知立遣重臣往督則建功不遠海外  
羣黎不能歸莊耕作未免久妨生計且伏張

皇入

告之初即為紛紛檄調幸而歲事耗費已不可

勝言我

皇上慎重于徵兵而神速於易帥用能風馳電掣

一本廓清自丁未十月至戊申二月未及十  
旬師木渡者却逗鉤在途者我留海息颯馳

攬菁菁庶百姓熙熙從此長享盛寧之福豈非

知人

刑猶慮事

如神之明

效大驗乎

且林爽又在

大田

二逆豈罪大惡極

斷不能幸免刑誅而或

窮蹙自戕或臨陣救首雖于

天討

已中而人心究為未快今林爽文既極致京

師仗法菜市莊大田亦磔死臺灣萬眾歡快

若故遲二賊之死以盡

國法

而暢輿情固非臣等意料所及即身歷行間

如福康安海蘭察等亦不自意其成功如是

之盡善盡美也圖既成謹就臣等日侍

禁廷

仰窺夫

睿昇成功

天心

助順者謹識厓峯於末簡臣等曷任欣幸之至

大學士公臣河桂大學士伯臣和坤大學士

臣王杰尚書臣福長安尚書臣董誥拜手稽

首恭政鈔印二臣王杰之印

鑒藏寶璽

八璽全

五福五代堂古稀天子寶八徵耄

念之寶

平定安南戰圖 一冊

本幅宣紙本七幅每幅縱一尺七寸橫三尺  
八寸五分前一幅

御筆序行書

見本處所藏  
補錄安南戰圖

御筆  
六律卷

乾隆己酉

仲秋之月上澣御題鈐寶二古稀天子之寶猶  
日孜孜後六幅設色畫

大軍平定安南事一嘉觀訶訖之戰二三異柱右  
之戰三壽昌江之戰四市球江之戰五富良

江之戰六。阮惠遣姪阮光顯入覲賜晏之圖。

御筆分題行書。

見本處所藏  
補錄安南戰圖

御筆

每幅款同

上分鈐寶。古稀天子之寶。猶日孜孜。

引首

御筆。紀勳肇順。鈐寶二。五福五代堂古稀天

子寶。八徵耄念之寶。

後幅臣工恭跋。

安南國阮光平。阮惠其姪光顯。旬  
山。英。乞。降。請。封。



上靡如天之量炳先幾之哲  
鑒其至誠

錫以勅印。封為國王。王越一年。庚戌仲秋。恭逢  
聖壽八旬大慶。光平先于三月。率其陪臣國人。敬

開親

親於是有凜

頌正朔之表。有祝

嘏曲之獻。有遵襲衣冠之請。有求

賜御製詩文集之額。有

御筆扁額之懇。此辭。有願部送黎氏卷屬入京之

奏。將出境有

九旬萬壽再親之約。每瞻就之際。所請獲

俞。政黃封。林珍賜。華奉鞠脫。歡喜念誦。感發于內

心。而誠達於顏面。自商周之代。獻令王會。明

堂位所載。奇肱越裳之來。但詳其職貢禮儀

班位。而達服傾輸之切。降人惘歎之忱。未聞

殊茲真摯者也

上以天地之心為心。垂鑒微隱。優以

殊遇。有加禮焉。及邇

賜茶

臨軒抱見。本服重襲。內帶萬金。獲

委以寶石頂。三眼孔雀翎。四圍龍補服。連其陪隸

御前之班。朝於

太和殿。宴於

滄泊殿。誠

正大光明殿

賜遊禁苑。曉禮辟雍。預祭

崇聖祠

御集

御書

照耀海裔。三服之帶。三河之玉。鑄佛檀葉。時

星輪轉。以厚往薄來。懷候之經。于斯為至。一

時內外扎薩克都爾伯特和碩特土爾扈特  
哈薩克金川土司臺灣生番高麗緬甸南掌  
之使班旅傳譯自開達都八千餘里星轍興  
樞授館都邑衙陌聚觀者日以萬數咸嘖嘖

于下以誠獻  
上以恩獎若百教之仰膏雨赤子之依父母也嘗  
讀武成之篇曰大邦長其力小邦懷其德故

思厥者

聖主御世之大權也由後而觀所以堅其誠者  
上之思足以懷之然由前而觀所以致其誠者  
上之威足以懾之也蓋自嘉觀柱右壽昌市球富  
良三江之戰師武臣力克敵致果而於是誓

天聲之揚震

天威之播心悅誠服油然而生而

思乃可施惟霜雪而時雨之潤澤始神惟秋冬而  
陽春之發生始大也

上既命以五捷及光顧之未繪圖  
題句亦越一年而頓成。臣等預聞

宸算欣瞻隆際推原臚叙謹系末簡以補闕後成  
事以彰自古未有之烈以昭來許萬萬世乾  
隆五十五年十月大學士公臣阿桂大學士  
伯臣和坤大學士臣王杰尚書臣福長安臣  
董誥臣慶桂拜手稽首恭跋鈐印二臣王杰

鑒藏寶璽

八璽

平定廓爾喀戰圖 一冊

本幅宣紙本九幅。每幅縱一尺七寸二分。橫二尺八寸五分。前一幅。

御筆序。行書。

補詠戰圖之什。逮斯凡六。歷數成功之全。即今乃十。予幸在茲。予惕更在茲。蓋予受

祖宗付託之重。度德量力。尚恐守成之或虧。敢懷開擴之奢望。且予自少讀書。即欽

天地愛物之心。深知窮兵黷武之戒。是以繼位之初。

即謹遵

皇考之訓。許準噶爾之求和。罷兵寧人。將二十年矣。乃準夷內亂。歸降者踵接。思我喀爾喀之地。不能容爾許人。於是乘機撫衆。有甲戌之師。自是而兩定準夷。一平回部。再靖金川。緬甸安南各歸順。臺灣一舉輯海洋。及此前後收廓爾喀。遂有十全之武功。使予自問。亦不知何以成此。則

自少年即深知窮兵黷武之戒。乃四十年之間。自甲戌始。十成武功。非用兵而何。幸而蒙

天眷佑。得以劼劼歲事。於民無一賦之加。於事有十全之美。則予之所以早作夜思。辨精勞神者。庶可少逭窮黷之譏耳。觀斯圖也。不啻共將卒之辛苦。實並切心膂之恫瘝。詩以言志。其志亦不外乎此爾。乾隆癸丑。新正月上澣。御題鈐寶二。八徵耄念之寶。自強不息。後八幅。設色畫。

大軍平定廓爾喀事。一擦木之戰。二瑪噶爾轄爾  
甲之戰。三濟龍之戰。四熱索橋之戰。五協布  
噲之戰。六東覺山之戰。七帕朗古之戰。八廓  
爾喀陪臣至京。

御筆分類行書

攻克擦木之圖。今為歸順昔歸降。一廓爾喀事  
有變。未示兵威且利吻。豈知乞命獻誠。腔可嘉  
名將及勇士。何礙存邛。遂定驪。擦木首攻。即前



實賴

上天默佑。每以險而獲安。常值危而得勝。較古之英君賢將。赫濯樹勲者。雖不敢云過之。而自審實無不及。所云予之幸。人或知。而予之惕。則人或未知也。所惕者何。自古為天子者。孰非

天之子。既為

天之子。

天孰弗愛之。而予獨承之深。受之屬。設有失德違

愛則所以罰之者亦必重。此予所以業業兢兢不遑刻安者也。且前此八功之成。雖云絕域外洋。皆人力尚可施之地。若斯廓爾喀。則在萬里三藏之外。更數千里。陡壁線路。下臨深川。不能容馬。人皆踵跡而行。我將卒胼手胝足。雖情竅疲弊。而氣愈鼓。心愈壯。突將無前。賊人駭為天降。虜蜚隴種。傷生實多。而憐之。乃致彼魂落膽喪。匍匐求降。此而弗圖其勞。予心又何忍。適不云乎。

逸戰圖補詠靖番邦 攻克瑪噶爾轄爾甲之

圖。乘勝遂教鼓勇前。瑪噶爾轄地相連。密林伏  
賊將守險。峭壁降兵。倏破堅。其目七名。衆六十  
生擒以半。別殲全。雖云不戰功。為上戰。即成功  
合詠篇。攻克濟隴之圖。番境濟隴西極邊。賄  
求彼尚占依然。石墻木卡層層固。據險阻堅處  
處連。冒雨衝宵分路進。破碉克寨一時全。近千  
殲賊復藏地。多害生靈亦覺憐。攻克熱索橋

之圖復全番境臨廓境一水橫流熱索河其北  
其南賊胥禦即深即險我須過索拉直進大剝  
彼我綠上游繞壓他乘勝正兵架橋渡莫非

天助感誠多。攻克協布噶之圖熱索橋過路可通

未逢賊禦進追窮前臨協布現屯聚上繞橫河  
得壓馮無不克攻戰必勝有餘力蓄剿爭雄堪  
嘉敵懷心同一每閱飛章憐切衷。攻克東覺  
山之圍愈近賊巢守愈固兼之地更險而紆分

兵爭首穿幽阻。合隊埋根克要區。手足胼胝膏  
情麻。精神鼓舞益勤劬。有征無戰雖傳古。將惠  
兵忠實快吾。攻克帕朗古之圖。分路橫河帕  
朗進乞恩。越切越毆還。將軍所檄都遵命。堪補  
曾遮懼見顏。何必犁庭不遺介。遂教振旅一時  
班。年前捧表陪臣至。更有崇恩厚賜頒。廓爾  
喀陪臣至京。七戰由來七獲捷。歷觀博史鮮誣  
逢。自惟罪重徹原號。可示恩寬復舊封。繳冊還

金歸次第。承筐載索。俾從容。乃知德服。勝威服。  
昊貺欽蒙。滋勵恭。每幅款。癸丑新正月。御題分鈐。  
寶。八徵耄念之寶。自強不息。八徵耄念。

前副葉

御筆。表績臚金。鈐寶二。五福五代堂古稀天。  
子寶。八徵耄念之寶。

後副葉 臣工恭跋

廓爾喀者。居西徼極邊。自為部落。去衛藏遠。  
外可四千餘里。中越雪山數重。山路絕巘。指

其名類。史闕有間。素與唐古忒人通市。貪而無親。先是乾隆戊申歲。以錢物細故。侵躡後藏邊境。彼國知與唐古忒為仇。非敢恃其險固抗犯。

天朝也。

王師奉至。悛然歸順。無何。達賴喇嘛所屬之噶布

倫等。怯懦。擅專。許賂備約。邊巨措置失宜。蓋爾。密觸。肆厥鴟張。竟擾掠至扎什倫布廟。我

皇上

赫然震怒。特命福康安為大將軍。以海蘭察

惠齡為參贊。統率突將勁旅。進剿。復命孫士

毅和琳。督籌轉餉。踰險乘危。捷若神助。將銳

卒。堅所向克捷。自探木至於帕朗古。凡七戰

七勝。摧礪奪卡。勢如破竹。殲渠覆巢。計日可

待。彼乃膽落氣沮。震懼威稜。遣頭目。謁和門。

再四款降。額逆約束。歸所。諒贊具。出構繫之

喇嘛。沙瑪爾巴。骸骨。以獻。悔罪乞哀。鞠脛維

謹。是時福康安等猶未之許。方擬整兵長驅

皇上

廓然如天好生。

鑒誠

赦。班師受降。還其土地。復其封爵。於是部

長遣大頭人奉表來朝。象馬底貢。

宴齊

優洽。嚮化益堅。輯俗領條。烏斯克敦。等

康強

純固。親侍前席。仰見

睿

精詳。凡軍行之方畧。轉運之機宜。與夫用人

善任。旌功懋賞。討叛舍服之仁。撫邊護教之

政。披圖秩秩。萬古為昭矣。此等竊更有進焉。

者。恭惟

臨御

以來。為戰圖凡五。而告成功者九。方茲海宇

又安。

聖訓

持盈。刻刻以贖武為戒。向令邊外遠哉。稍習

王化

光天。燕買。必不肯加之師旅。而乃



天奪其魄。自作不靖。用張捷伐之威。以成

十全大武之威。猗歟盛哉。

皇上握符開珞。嚮福隆備。內安外順。清安平成。五

世同堂。梯航賓服。今

聖壽。八旬有四。健行無息。親理萬機。蒸庸

大寶。甲子重週。將以丙辰年歸政。

太上皇帝。集禧裕慶。無瑞不徵。合巹是剛。忽雪坦

步。作雙底定。龍編奉朔。鹿耳洗兵。聲教訖於

四極。此一舉也。水天雪瘴。豆踰窮荒。雖漢之

服屬西域。唐之征撫吐蕃。安得與茲倫比。然

則十全大武之威。即我

皇上功德萬全之威事。極軌也。豈非

至誠感名。與

昊蒼眷佑。曠古獨隆。蘿圖赫奕者乎。臣等躬際

昇平。緘言簡末。曷勝榮幸。行臨之至。大學士公

臣阿桂。大學士伯臣和坤。大學士臣王杰。尚

書臣福長安尚書臣董誥拜手稽首恭啓

鑑藏寶璽

八璽

五福五代堂古稀天子寶八徵耄

念之寶。

職貢圖 四卷

本幅宣紙本。縱一尺四分。設色畫。奉朔入貢諸國土部族官民男女衣冠器習上各系說。清漢書第一卷。橫四丈五尺三寸。首冠。

御題清漢書

累洽重熙四海春

皇清職貢萬方均。書文車軌誰能外。方趾圓顛莫不親。那許防風仍後至。早聞干呂已成賓。塗山玉

帛千秋迷高室共球百祿臻詎是索疆恢此日  
亦惟

謨烈賴

前人唐家右相堪依例畫院名流命寫真西鯨東鷄  
覲王會南蠻北狄秉元辰丹青非為詠聲教保  
秦承

麻慎拊循 乾隆二十有六年歲在辛巳秋七月御  
題鈐寶二乾隆御筆惟精惟一繪朝鮮國官民

琉球國官民安南國官民  
樹獬暹羅國官民  
蘇祿國人南掌國官老撾  
緬甸國人大西洋  
國人合勒未祭亞省人  
翁加里亞國人波羅  
泥亞國人大西洋國黑  
魁奴僧尼小西洋國  
人英吉利國人法蘭西  
國人喘國人日本國  
人馬辰國人汶萊國人  
柔佛國人荷蘭國人  
鄂羅斯官民宋厝勝國  
人東埔寨國人呂宋  
國人咖喇巴人麻六甲  
國人蘇喇國人亞利

晚國人西藏所屬衛藏阿里喀木諸番民補  
噶克巴番人穆安巴番人巴呀卡穆等處番  
人密尼雅克番人魯卡補扎番人巴勒布即  
廓爾喀頭人伊犁等處台吉宰桑民喀爾奇  
查汗烏蘇等處回人哈薩克頭目民布魯特  
頭目民烏什庫車阿克蘇等城回日民拔達  
山回日民安集延回日民安西廳哈密回民  
肅州金塔寺魯古慶寺等族回民款臣丁觀

鵬恭繪鈔印二臣觀鵬恭畫後劉統勳梁詩  
正和章

御識

乾隆二十八年癸未愛烏罕汗遣使奉表入貢  
其霍罕及西哈薩克啟齊玉蘇烏爾根齊諸部  
皆倂來牽駒以獻考愛烏罕距拔達克山尚三  
月餘程重四譯始達餘亦去伊犁葉爾羌諸城  
數千里纏頭旃罽之飾為前圖所未備因勅補

續幘未以誌遠朕昭來許御璽鈐寶二乾隆繪  
愛烏罕回人霍罕回人啟齊玉蘇布努喇爾  
所屬回人巴圖爾所屬回人烏爾根齊部哈  
雅布所屬回人欵臣丁觀鵬恭繪鈐印二臣  
觀鵬恭畫

御識

土爾扈特台吉渥巴錫與策伯克多爾濟舍楞  
等聚謀棄其舊居俄羅斯之額濟勒游牧率屬



歸順既允所請命掄其長朝謁至伊綿峪入覲  
各賜冠服鞍馬俾隨圖仍攜之山莊宴齊封爵  
有差自此四衛拉特無不隸我臣僕而其舊俗  
繒罽衣冠與準噶爾他部不類並勅增繪以廣  
前圖所未及乾隆辛卯季秋月御識鈐寶二乾  
隆繪土爾扈特台吉宰桑民款臣賈全恭繪鈐

印二臣全

御識

雲南邊外整火土目名教。景海土目刁別。于乾隆三十四年。抒誠內向。請修貢職。念其地在僻。遠命六年。一覓用示優恤。今年冬。其頭目賚象牙犀角來獻。今與朝正班。未因繪其服飾。附於圖後。乾隆己未嘉平月。御識鈔寶二。乾隆繪整火頭目先邁岩第。景海頭目先網洪。欵臣賈全恭繪。鈔印二。臣全第。二卷。橫四丈一尺三寸五分。前劉繪金德璘和章。繪閩東郭繪緯。

奇楞。庫野。費雅。喀。恰。喀。拉。七。姓。赫。抵。福。建。羅  
源。縣。會。民。古。田。縣。會。民。臺。灣。縣。大。傑。巔。等。社。  
熟。番。鳳。山。縣。故。索。等。社。熟。番。諸。羅。縣。諸。羅。等  
社。熟。番。蕭。壠。等。社。熟。番。彰。化。縣。大。肚。等。社。熟  
番。西。螺。等。社。熟。番。淡。水。廳。德。化。等。社。熟。番。竹  
塹。等。社。熟。番。鳳。山。縣。豬。毛。等。社。歸。化。生。番。諸  
羅。縣。內。山。阿。里。等。社。歸。化。生。番。彰。化。縣。水。沙  
連。等。社。歸。化。生。番。彰。化。縣。內。山。生。番。淡。水。右

武乃等社生番。湖南永綏乾州等處紅苗靖  
州通道等處青苗。安化寧鄉等處徭。寧遠等  
處箭桿徭。道州永明等處頂板徭。永順保靖  
等處土人。廣東新寧縣徭。增城縣徭。曲江縣  
徭。樂昌縣徭。乳源縣徭。東安縣徭。連州徭。靈  
山縣徭。合浦縣。山民。瓊州府。黎。廣西。臨桂縣  
大良徭。永寧州。梳徭。興化縣。平地徭。灌陽縣  
竹箭徭。羅城縣。盤徭。修仁縣。頂板徭。慶陽府。

過山獍。陸川縣山子獍。興安縣獍。賀縣獍。融縣獍。龍勝苗。羅城縣苗。懷遠縣苗。岑溪縣狼。貴縣狼。懷遠縣獐。馬平縣獐。思恩府屬獐。四林縣血人。狄人。太平府屬土民。西隆州土民。欵金廷標恭繪。鈐印一。臣廷標後董邦達裒。曰修和章第三卷。橫五丈四尺七寸五分。前于敏中介福和章。繪甘肅和州撒刺族土民。珍珠族番民。亂藏族番民。河州土番。狄道州。

叁唯等族番民。洮州卓泥多等族番民。的吉  
巴等族番民。左刺等族番民。著遜等族番民。  
陸哨。惠庫。免番民。岷州瓦合坪等族番民。牟  
家山堡等土人。徐而莊等堡土人。馬連川等  
族番民。莊浪上。馮爾素等族番民。毛他刺族  
土民。華箴上。把爾的等族番民。武威縣。西脫  
巴等族番民。古浪縣。阿落等族番民。永昌縣  
元旦等族番民。西寧縣。東溝等族番民。纏

頭民。哆吧番民。土民。碾伯縣東溝等族。土民。  
達子灣等族。番民。南北兩山番民。擺羊戎通。  
判轄番民。大通衛興馬等族。番民。歸德所番。  
民。肅州黑番。高臺縣黃番。黑番。大縣番民。四。  
川松潘鎮轄西壩。色子寺等處番民。七步。我。  
眉喜番民。東壩。阿思洞番民。北壩。元壩。泥巴。  
等寨番民。威茂協轄瓦寺。宣慰司番民。雜谷。  
水寨番民。兒那達番民。沃日水寨番民。小金。

川番民大金川番民岳希長寧寺等處番民  
龍安營轄象鼻高山等處番民白馬路番民  
石泉縣青片白草番民漳陽營轄寒盼祈命  
等處番民甲凹鶴個等處番民三那羅克番  
民三阿樹番民壘溪營轄大小姓黑水松坪  
番民平番營轄上九關番民下六關番民南  
坪營轄羊崗各寨番民建昌營轄阿都沙馬  
保緝祭犯田等處保緝阿史審扎等處保緝



川永寧管轄披沙等處苗人。建昌管轄蘇州  
白露等處西番越萬等管轄九枝門呆結惟  
上番印部暖帶等西番猺獠會鹽等管轄瓜  
別馬喇等處麼些石所猺獠懷遠管轄虛朗  
等處猺獠會鹽管轄中所格獠夷人會川營  
通安等處擺夷黎溪等處楚人迷易普隆等  
處擺夷永寧協轄九姓苗民普安等管轄雷  
波黃螂夷人馬邊管轄蠻夷長官司夷人泰

寧協轄沈邊番民冷邊番民大田西番民大  
田獮獮松坪夷人黎雅管轄木坪番民阜和  
管轄明正番民德爾格忒番民泰寧協屬裡  
塘番民巴塘番民阜和管轄革什咱番民綽  
斯甲番民霍耳章谷等處番民納滾番民春  
科番民納奪番民上下瞻對番民瓦述餘科  
等番民咱里番民欸臣姚文瀚恭繪鈐印二  
文瀚後觀保王際華和章第四卷橫五丈一

尺二寸五分。前錢汝誠錢維城和章繪雲南雲南等府黑獼獼白獼獼乾獼獼妙獼獼曲靖等府焚夷景東等府白人曲靖等府仲人廣南等府沙人儂人順寧等府蒲人麗江等府怒人鶴慶等府球人武定等府羅婺蠻臨江等府土獠元江等府窩泥蠻臨安等府苦葱蠻撲喇蠻雲南等府撒彌蠻曲靖等府苗普洱等府弄人姚安等府獠獠蠻武定等府

摩察蠻楚雄等府扯蘇蠻臨安等府毋雞蠻  
麗江等府麼些蠻鶴慶等府古棕蠻永北等  
府西番大理等府我昌蠻曲靖府海標獠廣  
西府阿者獠獠曲靖府魯屋獠獠武定府麥  
公蠻姚安府媯且蠻順寧府禾米蠻開化府  
普公蠻永昌府西南界縹人貴州貴陽大定  
等處花苗銅仁府紅苗黎平古州等處黑苗  
貴定龍里等處白苗修文鎮寧等處青苗貴

筑龍里等處東苗。平越清平等處西苗。永豐  
州等處獠苗。平越黃平等處天苗。貴筑修文  
等處蔡家苗。貴陽府宋家苗。清平縣九股苗。  
廣順大定等處龍家苗。普定永寧等處馬鎗  
龍家苗。貴定縣平伐苗。貴陽安順等處補龍  
苗。仲家苗。定番州谷蘭苗。黎平府羅漢苗。都  
勻平越等處紫薑苗。遵義龍泉等處楊保苗。  
都勻黎平等處猓獠苗。廣順州克孟牯羊苗。

威寧州獮獠。黑獮獠。大定安順等處白獮獠。  
貴州等處犵狁。餘慶施秉等處水犵狁。貴定  
縣剪髮犵狁。平越黔西等處打牙犵狁。平遠  
州披袍犵狁。平越黔西等處打牙犵狁。平遠  
貴定黔西等處木狁。荔波縣獠。狠狠狠狠。  
定番州八番。大定府六額子。普安州彝人。下  
游各屬峒人。貴定縣獠人。廣順貴筑等處土  
人。貴定都勻等處蠻。欵臣程梁恭繪鈴印一

恭畫後臣工恭跋

帝京春朔戴逆歡

聖澤均端為  
王猷昭赫濯  
盈教海宇識

尊親克庭玉帛三重陸  
殊製冠裳九列賓揚

光功德溥遠東近悅後先  
蟠奇厓共訝新增部安樂

偏真江河別派歸溟渤  
星宿洞天向北辰職

奏藻詠萬斯年永典章循  
大學士臣劉統勳恭和

帝澤煦如春按牒欣看到  
貢均豈有販章分內外

先烈城

早知拜舞並尊親飛車久已通重譯  
殊前干羽恢來備九賓觀寄東西殊浴紀共球大小萬邦

聖人

掌器職方疆索廓編成王會畫圖真恰同蓋

皇風

遐處千秋經遠識進循協辦大學士尚書

臣梁詩正恭和鈐印二臣梁詩正補拙莫如

勤編  
一家中外奉

王春舊錄新篇式  
化均貢道負書規自狹職方周制屬尤親冠裳異

限用知從朔臣僕同稱敢備賓九譯味荒伊古

萬年清晏我  
朝錄名益別部通臚句字釋旁行彙舌人物土陳



開國奉庭日快觀  
披圖象說取存真  
寅承

詠怡宜隨凱奏  
星轆里鼓近堪猶  
尚書臣劉綸恭

和鈴印二臣  
蘇米新撫萬景春  
披來

聖澤  
恩成溥屬國梯航  
翼戴親夫馬有情  
知應

皇風景應著  
釐集王會歡從  
奇域臻敢附凌烟  
聯劍佩欣隨拜  
獸觀

天人書中舊  
開傳聞吳班外  
初增面目真  
比物鑄

形存鼎鼎  
脣圖作繪麗  
星辰永歲再  
府起前燦覆  
莖無私

帝率衡左都御  
史臣金德瑛  
恭和鈴印二臣  
金德

瑛珥華承恩  
無邊大地沐  
陽春  
成首

形度

韓土均八表車書同璽詔萬方玉帛共尊親  
明駝義帳開蔥嶺細馬金鞵織罽窠折筵自

前

有或洋俾浮航穿敢憚逸臻虞階干羽承  
甸瑤林致遠人玉府駢羅環賁或緹索省議

皇極

雲圖真雨風和會疑  
星宿周環拱

北辰

董斧藻丹黃宜立本披圖手會更重猶侍郎臣  
董邦達恭和鈴印二臣邦達印染翰

職貢圖開六合春東西南朔服維均洵金撈

五方與吳海誌山經觀記觀心似露葵知所

向身隨陽雁遠來窮唐虞以上初無紀秦漢

而還來克臻地或不毛咸我土類雖非種亦

吾人寧竹葛俗衣冠陋但被淳風面目真成

負詎能珠甲子支祈早已付庚辰丹青再府

委彪炳世世蒙

床永率備侍郎臣某日修恭和鈴印二臣某日修

秩書

卷二

王會圖登四未春獻琛奉朔凜惟均

定功誕揚同風威歸極羣懷就  
日觀奚嘗旅斐西厖貢還看候雁北來賓漠表濛

干羽陸溟流解集卉皮人博陵漫調場能擢司馬  
帕心威響聞玉兒駒跡並錄印作期休

贊共紀庚辰  
應離傳夫真輿地志無踰戊巳勳臣

天章式示  
詔謀遠

文軌從今奕葉循侍郎日于敬中恭和鈐印  
二臣敬中敬書  
鴻圖式廓一家春亥步送瞻道里均露大統

尊親漢庭湯說通鳥七唐室徒誇服蜀賓賓王河  
牛蹄職貢難題漆齒鐵

各名手  
千乘月現名駒海外躡雲錄虬鬚皓肖

鳳藻高翔仰  
主人歸極水傳

三朝慶萬國歡心  
今有赫鑿空始信古非真三階景運

萬壽辰武備文修彰格被漸摩  
聖化日循備侍郎日介福恭和鈴印二臣介福載

帝澤能回絕漢春歸仁欣錄職方均共球大小陳

雲日光華霞被親寶欵玉河成輯瑞

咸宣月苑志未寔占風洲水何堪擬莊海梯山共  
不殊五服慈傾遵土訓四門麟集

詔行人武猶馬譯狼歌底爰寫文木華後真御享  
粵神輝

冊府收章式靡辨呈辰自茲絡解趨王會按籍  
詔將松木值侍郎臣觀保恭和鈴印二日觀

保

六幕羣霄我澤春丹青寰宇道遐均曉雲  
憚重跼會縮地從教萬里親籍按皇典恢  
步國開昧谷接寅賓南粵象路頻求獻所  
龍媒况畢錄寧為旅吳登異物偶緣孔鳥  
方人明堂作繪還依古花面添毫却肖真  
望風邱都人畫未分星野共朝辰充庭寫  
邀

鴻藻格被

燕高仰

齊後

侍郎臣王際華奉和鈐印二臣際華  
銘麻

聖

緒澤如春現外珍

恩效貢均麟其逸草元日會象未母育百  
儀菜幣臚方物畫史圖形備遠宸寶玉名  
魚貫列雕題緩耳麻行絲屐連款塞編都

龍為迎門委舌人藥礪丹青毛髮動經營  
素服蒙真拓強方喜道西極受史同趨拱北  
辰直執周書唐粉本水垂  
隆軌萬年循侍郎臣錢汝誠恭拓鈴印二臣錢汝

誠敬書

風調六華偏生春為國來同道里均如日方  
中歲炳耀先天之下共尊親黃支烏弋通十  
傳丹穴空祠烈几賓

累葉重

熙增式廓諸耆後應怡駢錄分明繁露爰聞  
愈指點雕題闌耳人僕繁衣冠指欲奔先確

言語譯偏真朝宗真擬川跨海環內選占星  
拱辰拓土况今逾二萬

成行捐毒與休德待詳也錢維煥本和鈴印二臣  
錢維城葉書春內編如

皇清月

大育命拓道垂統四裔遐聽冠帶偕來

武 皇上 繼

西陸大功，裁嚴埃垢，所極莫不尊親，用錫億萬，撰丕丕基，訖乎無外，三古之隆，方斯茂矣。先是乾隆戊辰。

王師平定金川，皇上念

列朝服屬外臣，式增式擴，爰初所司繪賦貢圖，以昭方來，而資治鏡，不數年間。

鴻臚嘗珠有若為茲圖，集大成者，臣等伏念自有志乘已來，又開所處，王會所登，鋪陳景錄，率

體身乎史，厥後以圖著例者，如梁蕭緯所繪三十餘圖，既地限偏隅，無可稱引，惟唐關立

本應詔作圖，其事為後賢津逮，願尚論者猶以一代之時勢，轉移於突厥回鶻，不免委蛇求

濟或結為兄弟，或重以和親，且不足語焉，察

又何懷德畏威之有若我  
國家久道化歲中卜謀福

皇上以恬冒法

天而

天麻滋至以觀揚法

禮而

祖

秋孟老之可以彼斯國也大之可以微分野規方之暴精

量我將師所日整我驛使所口陳者不以登  
禁刑馬統討以部曲區名者凡三百數以男

女到備者凡六百數倚款題哉且

冊府傳信之鉅觀於是乎存而

皇上審題往復推

係泰拊簡為兢兢則信乎道世有本臣等確論之

下尤願拜手稽首而申重之且自度其遭逢  
之咸也大學士公臣博恒大學士臣朱保臣



劉統憲。協辦大學士尚書公。兆應尚書公。  
臣阿里衮尚書侯。臣富德尚書臣劉綸。都統  
侍郎。臣納延奉侍郎。臣于敏中。奉跋鈴印。二  
臣敬書。

引首

御筆

羅圖式廓

第一卷

卉服咸賓

第二卷

琛賁

雲從

第三卷

梯航星集

第四卷

每卷鈴寶一乾

隆御筆

鑒藏寶璽

八璽

古希天子五福五代堂古稀天子

寶八徵耄念之寶。信天主人奉三無私亮天工

萬國農桑寤寐中。保泰樂萬民之所樂。德維一  
翌太和扇以淳風。旰食宵衣化工四氣為全施。  
惠迪吉。稽古愛民。清心杼妙理。含和章志尊。仁  
所樂在人。和執兩用中。研露卅有同。春虛受人  
惟善為寶。得充符中。得天地心。乾隆御賞之寶。

永瑤永璇永理 書

御製盛京詩 四卷

本幅宣紙本縱一尺楷書每卷首恭錄乾隆  
四十八年七月二十六日奉

上諭盛京為

王迹肇基之地朕御極以來敬惟

祖宗開創艱難

佑啟萬年統緒於癸亥甲戌戊戌暨今癸卯四詣盛

京恭謁

祖陵以申積悃所歷川原形勝因見徵聞並為詩以識而於

太祖

太宗締造鴻規耿光大烈咸恭紀成篇實足以垂法守非僅托為吟咏所有四詣盛京御製詩著皇子等分年按次每人各錄一分裝成四卷彙貯一匣以昭覲揚垂裕之至意欽此

御製命皇子等分繕癸亥甲戌戊戌癸卯四詣盛

京恭謁

祖陵詩卷即事成什  
癸卯四度

陪京謁

祖陵敬思

前列益兢兢易非

開創誠辛苦難是守成勵繼繩  
向嘗為創業守成難  
易說以岑文本對唐

太宗撥亂難守成不易之語為非蓋守成者遠  
大投艱單心繼序苟無以光前列啟後圖斯凜

然有不終畝之憂是創業者未竟之難皆守成者分內之難不待失道失象始為愆負前人但使式廓之版圖或有侵削垂裕之成憲或有廢弛即無以覲耿光而揚大烈是非安不忘危存不忘亡鮮有不盛滿中之者以此思難則所以持難者可知故子獨以難責夫守成者非敢忘創業者之難正以慰創業者之初心耳茲命皇子等分繕四詣盛京謁

陵詩卷復申其說

以示此別迴瞻增有愴再來度人己恐無能歷吟皇子命分繕子意期知雲與仍 第一卷橫

八丈四尺四寸永瑤書乾隆癸亥

初詣盛京

御製詩三百三十九首見御集款子臣永瑢奉

勅敬書鈐印二子臣永瑢敬書第二卷橫九丈一

尺四寸永瑢書甲戌

再詣盛京

御製詩二百二十九首見御集款子臣永瑢奉

勅敬書鈐印二子臣永瑢敬書第三卷橫九丈三

尺三寸永瑢書戊戌

三詣盛京

御製詩一百四十二首  
觀詩四集  
欵子臣永理奉  
勅敬書鈐印二子臣永理敬書第四卷  
橫九丈六尺九寸  
書  
癸卯

四詣盛京

御製詩一百三十三首  
觀詩四集  
欵子臣奉

勅敬書鈐印二子臣敬書

〔引首〕

御筆 堂構初慶  
卷第一  
羹牆再詠  
卷第二  
幽岐



三篇第三

豐鎬四陳第四每卷鈐寶一古希

天子

鑒藏寶璽八古希天子五福五代堂古稀天子  
寶八徵耄念之寶九有同春用筆在心翌太和  
苗畲經訓虛受人涵養用敬樂民之所樂十虛衷  
激照盱食宵衣性根理堀資探屨與民用勤天  
根月窟箇中自有玉壺水履信思順化工四氣  
為全施經史笥欽文之璽稽古右文之璽思無

邪執兩用中。章志尊仁。天府珍藏。幾暇鑒賞之。  
重惟善為寶。忘機心宇曠。體道粹涵養。茹古含。  
今。進德修業。會心不遠。德充符用。厥中。扇以淳。  
風。研露務時敏。德惟一。內府書畫之寶。激觀御。  
賞。寫心寓意于物。垂露筆花春雨。

御製詩緙然花卉 一册

〔本幅〕八幅。縱一尺一寸三分。橫六寸八分。緙然花卉。一。玉蘭。二。薔薇花。三。孔雀。四。桃花。五。望春花。六。芍藥。七。榴花。八。水仙。每幅幀首。八分書。

御製詩

桃魂杏魄逐香塵。玉樹臨風尚占春。詎是幽齋能駐景。應緣擲筆待詩人。更始番風到幾巡。

薔薇浥露發花新。無端麗影剛垂架。惹得牕前  
雀啣人。灼灼其華。釀有黃春園。二月滿紅雲。  
輕綃一幅開生面。何似瀉山悟志勤。幽華婀娜  
娜笑庭階。也報番風到小齋。真是不辜引領望。  
昭蘓萬景樂春昏。婪尾春光飲露酣。金鈴風  
度響。醺醺倚欄。一種無言恨。只妬花王青出藍。  
豔質風搖霞彩炫。濃粧刺洗露華涼。年年侶  
識天中節。的的都開紫絳囊。堂堂九十去堪

憐紫棟花開。首夏天廿四。番風成底事。枝頭梅  
子大於錢。生機消息不終窮。底用灰飛驗葦  
筩。一例清風明月下。仙人遙在水晶宮。每幅分  
葦寶。齊物業。叢雲涵虛朗。鑑愛竹學心虛。垂露會  
心不遠。德充符。雲霞思。幾暇臨池。

鑑藏寶壘

全壘

鮮然仇英後赤壁賦圖一卷

本幅縱九寸三分橫一丈五尺五寸七分鮮  
然畫蘓軾意摹款寶父仇英八分摹印一十

州

引首

御筆雲機仙製鈐寶一乾隆御筆

鑑藏寶璽八

御製詩緙然鷺立蘆汀一軸

〔本幅〕縱一尺二寸五分。橫二尺二寸。緙然蘆花白鷺。懷首八分書。

御製詩。

采采亞汀洲。為花豈自由。羣搖今夕雨。不異去年秋。歲鷺戀青葉。凌波顛白頭。吟看鷺隙影。榮落肯淹留。摹寶二。乾隆。

臨鑑寶壘

八壘

絳絲村農韶慶圖 一軸

本幅縱二尺八寸。橫二尺一寸。絳絲茅舍中  
翁娘圍鑪庭下方春羣嬰扶侍嬉游無名款

鑑藏寶璽

八璽  
全



綵絲夏日清遊圖 一軸

〔本幅〕縱四尺四寸五分。橫一尺八寸。綵絲柳岸。荷塘。橋端。綏轡。二童囊琴。扶冊隨之。對岸葦叢。艤舟。有人吹笛。無名款。

御題行書。 芰荷香繞垂鞭袖。楊柳風橫弄笛船。  
趙承祐句。御筆鈐寶。一烟雲舒卷。乾。辰翰。

鑑藏寶璽

八  
金璽

緯然春谿浴鴨一軸

本幅縱三尺三寸。橫一尺四寸二分。緯然岸  
花湖水陂上波間鴨凡九無名款。

鑑藏寶璽